



GRADONAČELNIK

Broj: 07-45-261926
Srebrenik, 04.06.2026. godine

Na osnovu člana 37. Statuta Grada Srebrenik („Službeni glasnik Grada Srebrenik“, broj:1/24), te na osnovu tačke II, podtačke 3. Programa utroška sredstava s kriterijima raspodjele sredstava transfera i subvencija utvrđenih budžetom Grada Srebrenik za 2026. godinu Službi za opću upravu i zajedničke poslove („Službeni glasnik Grada Srebrenik“, broj: 5/26), Gradonačelnik Grada Srebrenik raspisuje

JAVNI POZIV mjesnim zajednicama na području grada Srebrenik za sufinansiranje projekata sanacije i rekonstrukcije objekata mjesnih zajednica u 2026. godini

I - PREDMET JAVNOG POZIVA

Predmet Javnog poziva je novčana podrška mjesnim zajednicama na području grada Srebrenik za sanaciju i rekonstrukciju objekata mjesnih zajednica (sanacija krova, temelja, stropne ploče, oluka, za nabavku i ugradnju nove stolarije, namještaja, računarske opreme i dr.).

II - PRAVO UČEŠĆA

Pravo učešća na Javni poziv imaju mjesne zajednice na području grada Srebrenik koje su upisane u Registar mjesnih zajednica Grada Srebrenik i koje ispunjavaju opšte i posebne kriterije dodjele.

III - IZNOS ODOBRENIH SREDSTAVA

Sredstva po Javnom pozivu se odobravaju sa pozicije budžeta Grada Srebrenik *614311-29 Kapitalni transferi mjesnim zajednicama* pri Službi za opću upravu i zajedničke poslove, u skladu sa Odlukom o budžetu Grada Srebrenik za 2026. godinu.

Maksimalan iznos sredstava koji jedna mjesna zajednica može ostvariti sa predmetne budžetske pozicije po ovom Javnom pozivu je 7.000 KM.

IV - KRITERIJI ZA DODJELU

Opšti kriteriji za dodjelu sredstava:

- da je mjesna zajednica upisana u registar mjesnih zajednica na području Grada Srebrenik,
- da je mjesna zajednica dostavila Gradu Srebrenik izvještaj o namjenskom utrošku sredstava dodijeljenih iz budžeta Grada Srebrenik u prethodnoj godini (ukoliko je bila korisnik istih).

Posebni kriteriji za dodjelu sredstava:

- Uredno podnesen Prijavni obrazac,
- Okvirna predračunska vrijednost sa prikazom troškova (predračun) i/ili dokaz o nastalim troškovima projekta - kapitalne investicije (račun/faktura i dr.),
- Izjava korisnika - mjesne zajednice da ista nije korisnik sredstava po istom osnovu od strane drugih donatora.

V - OBAVEZNA DOKUMENTACIJA

Prijava na Javni poziv mora sadržavati sljedeću dokumentaciju:

1. Uredno podnesen Prijavni obrazac (*u prilogu ovog Javnog poziva*),
2. Okvirna predračunska vrijednost sa prikazom troškova (predračun) i/ili dokaz o nastalim troškovima projekta (račun/faktura i dr.),
3. Potpisana i ovjerena Izjava mjesne zajednice da ista nije korisnik sredstava po istom osnovu od strane drugih donatora (*u prilogu ovog Javnog poziva*).

Napomena: Prijavni obrazac (*Prilog 1*) i obrazac Izjave (*Prilog 2*) mogu se preuzeti na službenoj internet stranici Grada Srebrenik www.srebrenik.ba ili na portirnici gradske uprave Grada Srebrenik.

VI - POSTUPAK DODJELE

Zaprimljene prijave po Javnom pozivu razmatrat će Komisija imenovana od strane Gradonačelnika, a na prijedlog Službe za opću upravu i zajedničke poslove (dalje: nadležna služba).

Po izvršenoj ocjeni prijava, Komisija će sačiniti Zapisnik i dostaviti Gradonačelniku i nadležnoj službi. U skladu sa Zapisnikom Komisije, sredstva će se dodijeliti na prijedlog nadležne službe i to Odlukom Gradonačelnika o dodjeli sredstava shodno kojoj će se sa korisnikom zaključiti poseban ugovor kojim će se detaljnije regulisati prava i obaveze ugovornih strana.

Korisnici koji ostvare pravo na dodjelu novčanih sredstava su obavezni dodijeljena sredstva koristiti namjenski i dostaviti izvještaj sa kompletnom dokumentacijom do kraja tekuće godine, kojom se dokazuje namjenski utrošak sredstava, kako je propisano Odlukom o izvršavanju budžeta Grada Srebrenik za 2026. godinu.

VII - ROK ZA DOSTAVU PRIJAVA I DODATNE INFORMACIJE

Javni poziv ostaje otvoren **30 dana** od dana objavljivanja na Oglasnoj ploči Grada Srebrenik i internet stranici Grada Srebrenik www.srebrenik.ba.

Prijavu na Javni poziv dostaviti u zatvorenoj koverti na **pisarnicu Grada Srebrenik svakim radnim danom od 07.30 do 16.00 sati ili preporučeno poštom na adresu:**

GRAD SREBRENIK
SLUŽBA ZA OPĆU UPRAVU I ZAJEDNIČKE POSLOVE
Ibrahima Salihovića bb,
75 350 Srebrenik,

sa naznakom „Javni poziv mjesnim zajednicama na području grada Srebrenik za sufinansiranje projekata sanacije i rekonstrukcije objekata mjesnih zajednica u 2026. godini - NE OTVARATI!“

Nepotpune i neblagovremene prijave neće se uzeti u razmatranje. Traženu dokumentaciju obavezno je dostaviti u originalu ili ovjerenoj kopiji (računi/fakture se mogu dostaviti u kopiji).

Sve dodatne informacije u vezi Javnog poziva mogu se dobiti putem sljedećih brojeva telefona: **035/369-151 i 035/366-405.**

